



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 六三三

禮堂遺集三卷補遺一卷附詩一卷 陳喬樞撰

一

尊小學齋文集六卷尊小學齋詩集二卷 余治撰

五三

四照堂詩集十五卷 譚溥撰

一四一

怡青堂詩集八卷怡青堂文集六卷 王錫綸撰

二五五

怡青堂詩二刻八卷 王錫綸撰

六〇九

禮堂遺集

同治癸酉
秋七月鐫

資政公遺集序

先嚴夙掇鄉科素耽儒術學寢饋乎西河著淵源乎左海佚說稽乎毛韓故詩案乎齊魯改字研鄭箋之說疏證滙翼氏之宗異文既訂夫四家集證亦通於各緯尙書兼習及歐陽禮記廣徵爲鄭讀書凡十種說數萬言固已業之有年行之於世矣至如羣經博覽眾美樂成好與古以爲徒信嗜書之有癖罄囊且諸子網羅諸金爲同人梨棗古照堂識六十帙瘞本通鑑論刊廿三卷古文斷簡則編次疊山先生秘書則增定登壇必究舉皆弗惜乎重貲廣爲雅公於同好而乃一官蹭蹬萬事迤邐處遭際之乖時輒懇懃而攄抱閭局上變通之議官鈔達利弊之源鹽餘請畫江右條陳切按地方憂烽警於袁州誦示諭乎郡邑論堵防之要害立簡鍊之章程竭助餉畧摺剴詳乞銷糧情形備告釐卡量減而盡利倉庫熟籌以便公諸所縷悉以輸者莫非時宜之務焉他若所鐫各籍均綴有文別所身親亦嘗手筆捐修有碑刻之記感慨有紀事之詩嘉鎮梅而表其實美漱園而弁其端龔徵士弟昆併爲之傳曾使蔣閣督上論

以書遺篇固屬無多立言亦當可質矣創學本荒蕪材
同樗櫟趨庭幸承訓鯉祭墓徒恨椎牛觀手澤之猶存
知心坎之從出每念抱殘之憾彌深補缺之思亟蒐討
而成編謹彙纂而付梓分居子職何足稍裨白華讀到
卒章倍覺興懷風木

同治歲昭陽作噩月在畢陬日躔次元楊男紹創謹序

禮堂遺集目錄

卷一

上聞中大府變通錢法以平物價議

變通錢法續議

請將江西釐金盈餘欸項籌辦善後事宜畧

復擬條陳江右應辦善後事宜六則

申請次第舉辦善後事宜稟

勸辦袁州府鄉團練勇論

鄉團章程三則

練勇章程四則

禮堂遺集

目錄

一

上善後局請將前發楚軍撤散請示由

稟明袁郡辦理團防種種棘手情形畧

申明土棍圖保復糾滋事交卸就醫稟

稟復劉中丞詢江右釐卡議減事宜畧

復請劉中丞酌減貨釐量免門釐畧

奉議籌補常平倉社倉章程畧

卷二

戴母楊太恭人墓誌銘

重修弋陽縣志序

重編謝文節公集序

重纂袁州府縣志序

重刊登壇必究序缺

重刊古照堂瘞本六壬占式序

卷三

重建臨江府學 大成殿碑記

朱鐵梅孝廉傳

清江龔徵士兄弟合傳

重建撫州郡署記

上復忠靖侯曾中堂論今文尙書書

揭漱園廣文重梓試帖律賦序

禮堂遺集

目錄

二

詒贈資政大夫奉政公行實續附

卷四均見原集

毛詩鄭箋改字說序

禮記鄭讀攷後序

魯詩遺說攷序

韓詩遺說攷序

齊詩遺說攷序

齊詩翼氏學疏證序

四家詩異文攷序

詩緯集證序

今文尙書經說攷序

補遺

畢九水先生說迺跋

鄭母裴恭人九旬壽序

附詩

力疾籌防詩四首

紀事絕句十五首

感懷絕句十五首

禮堂遺集

目錄

三

宗伯喬榮助貲拾千文

禮堂遺集卷一

侯官陳喬樸樸園撰

男紹釗謹編
姪元禧謹校
咸豐丁巳九月

上閩中大府變通錢法以平物價議

已九月

福州邇來銀價極貴票錢極賤百物價昂至逾十倍閭閻之困苦不堪言狀矣此時欲平物價無從得平卽嚴諭舖戶禁其高抬彼方有所藉口究屬無濟救時亟務惟有籌數十萬現銀盡收票錢入官局然後可另立章程改用新票定銅一鐵二之錢法勿使畸輕畸重則銀價既跌物價亦自平矣第際此軍需浩大之時庫存短絀欲籌數十萬現銀似非易易然而有可通融辦理者禮堂遺集 卷一 一

當八九月間統計官局所出票錢約五百萬串官局所存現銀亦約有五十萬兩彼時以銀收票原可敷衍旋因軍需兵餉提用八萬兩尙存四十零萬不旬日間因臺票驟行長落外開用台印展轉支取現銀遂耗其少半此時不亟加整頓再閱數時現銀愈形短少於時事更無可挽回及今籌措尙可爲力現在台印已定二錢英番已定通行台印定則賣空買空之弊稍杜英番行則外洋積欠之稅可清前此英番抑而不行此時通用無滯洋稅一項卽日約可得英番二十餘萬卽借此項暫爲墊發併官局所存可得三四十萬銀以三十萬銀

定期先收零票其餘二百萬串大票卽發藩庫所有部鈔暫爲抵發隨收舊票隨發新票官局之票仍可流通再爲明定章程無論城鄉責令通行無論支解許其通用奸民敢有把持阻撓者吏胥敢有折扣勒索者嚴行究辦則行之久遠可期有利無弊矣謹擬數條臚列於左伏乞裁奪施行以蘇民困萬民幸甚

一錢票宜先收回而後可重定章程也近日官局票錢一千民閒行用僅折銅錢一百七八十文而庫銀時價每兩值票錢十千左右今卽以銀一兩收回票錢十千計局中所出票錢約五百萬串需銀五十萬兩半用現銀以收零票半用部鈔以收大票票既盡收再行明定章程另出新票以鐵錢二文準銅錢一文行用不得再有私行折算頒發告示城鄉通行倘有不遵嚴拿懲辦

一銀番宜先定價而後市僧無所滋弊也近日銀番起跌一日時價每兩動逾數百文局夥民店均有賣空買空之弊贏則肥之私橐虧則歸之官局遂致市中買賣無所適從豫爲銀番長落地步每物於時價外輒浮一二成貧民大受其困今請定銀番之價每銀一兩以銅錢二千文鐵錢四千文爲率番銀台印亦

禮堂遺集

卷一

二

照銀價科算不得任意起伏其鐵錢之價卽照銅一鐵二一律行用勿得參差倘再有買空賣空情事嚴行究辦

一銅錢宜鑄而後鐵錢可並行不悖也從前鐵錢開鑄之初原與銅錢並用無分輕重旋因銅錢日少每票錢一千搭支銅錢二百不出遂致鄉民重銅輕鐵折算行用銅錢愈秘而不出鐵錢愈滯而不行甚至今日鐵錢千文僅折銅錢一百七八十文細思鐵錢每千需鐵十三斤有奇以鐵本計亦值銅錢四五百文况加以工火何至一賤至此由是私僞者透漏出洋

禮堂遺集

卷一

三

私毀者改鑄器具不但銅錢日少卽鐵錢亦日見銷磨推原票錢之滯由於外鄉不能流通鐵錢之賤由於外縣不能行用票錢既滯鐵錢亦滯鐵錢既賤票錢尤賤逐加折算日賤一日票錢幾同廢紙鐵錢幾同廢物閩中錢法至於今日極矣物極必反宜亟有以轉移之此時仍須設立銅錢局開爐鼓鑄以資接濟於收回票錢之日重新另立章程銅一鐵二一律通用如京都大錢京錢之例庶鐵錢不致偏廢銅錢亦見日出而局票自然流行無滯矣

一物價宜平而後民開始能存活也從前米價每石極

貴至四五千文柴價每把至三四十文油每斤六七文布每疋四五百文今皆逾十倍以上向年中戶人家可以養活十人者今僅能養活一二人饑寒交困幾不聊生其孤寡老弱凍餒而死者不知凡幾今既新定章程所有票錢以銅錢一文鐵錢二文一律行用所有銀價以銅錢二千鐵錢四千一律兌換明發告示嚴傳牙估照現在物價用銅錢交易者減去十成之八九用鐵錢交易者減去十成之六七其餘百工藝事辛工一概各復舊規敢有奸民奸僧把持阻撓者嚴行究辦則民困可稍蘇而民愠亦可稍解矣

禮堂遺集

卷一

四

一國戶宜禁而後百物不至騰貴也近來南臺般戶與錢行通同合夥囤貨居積每遇客貨到地無論何項卽照時價統爲買入所出者空票所買者實貨一經壟斷便可居奇數日之閒貨價驟昂城內外舖戶缺乏此項貨物不能不出重價貴買貴價間閭大受其害非密訪囤積之家罰令貨物充公不足示懲一有嚴行究辦卽可懲一儆百此風頓息物價便可從平減不至既賤復貴矣

。變通錢法續議

目前上變通錢法之議事屬易行竊聞司局事者遲疑不決恐局票一收庫銀盡發猝有軍需驟難籌措支應而局夥又於銀番兩項虛張其數謂既收錢票外間必以銀番台印各票一併向局支取現銀所存庫款萬不敷放尤恐窒礙難行司局事者爲其所惑意存中止不知此致者均無足長慮却顧也前日局中間有奉憲飭辦票板查覈票簿之諭一日之間奸夥蠹吏與刁商猾買串通朋比虛出銀錢番三項票各以數十萬計似此出空賣空不過旬日局中所出各票必增至數百萬朦

禮堂遺集

卷一

五

禮堂遺集

卷一

六

告示明定章程廣爲曉諭收票入局令行禁止言出法隨官局之事體不難挽回錢法之弊端不難整頓詩曰謀夫孔多是用不集又曰如彼築室于道謀是用不潰於成故慮事欲其周而行事又欲其決勿爲浮言所動勿爲謠言所惑而後事克有成語曰敏則有功傳曰需事之賊也倘復觀望游移恐積重難返將至不可收拾官與民交受其困軍需之用憑何取給謹續議三條如左聽候裁奪

一舊票隨收即可隨發新票無虞支絀也官局票錢散之民開行用者十之三存之民店出入者十之三爲奸夥蠹牙游民猾吏買空賣空以剝官局而害民用者十之三今一禁絕買空賣空之弊彼必盡出其票搬取現銀此其權在乎官有以操縱之操縱之法奈何曰買空賣空者皆係大票整票或以數千串計或以數萬串計官局中無不瞭然似此一類可發鈔票以收之或以二千或以一千五百文作銀一兩行用其鈔票流通之法必先州縣解欸准其搭成民開始肯信用既可以鈔抵支局票則現銀可減十成之三至於民店出入近已全用局票今既收回舊票重定新票章程則民店所有票錢盡行繳局遇有交易斷

不敢自出已票必須以原銀向局起取新票或即逕傳民店彙繳舊票不必以現銀散抵即行開給新票仍發民店行用則現銀又可減十成之三以五百萬票錢止籌二十萬現銀便可盡收不趁此時辦理一至銀價平減再議收票非有二百餘萬現銀不可又復從何彌補此其利弊孰重孰輕此其事勢孰難孰易此其計慮孰得孰失必有能辨之者是收票一事變通錢法在是平減物價在是即彌補官局亦在是矣

一出空台印宜暫停支取現銀以杜弊竇也民店台印

禮堂遺集

卷一

七

不能支取現銀已非一日是台印一項民店亦是空票獨於官局謂必備現銀應支台印票此乃奸夥聳聽以爲挾制使官令不行而後得肆其私也向來民店出入如鋪戶有用台印者少則現錢貿易多則現銀兌換其始皆係實銀實票自奸夥嚮牙有做錢價之弊遂致銀錢番三項有買空賣空者今則流弊更甚無論百貨皆可出空票以爲買賣名曰做貨價彼做錢價者或長跌不同尙有此得彼失而做貨價者壟斷居奇竟是蘊利生孽二者均爲剝官局害民間之大弊今既禁絕便可暫停台印買賣不准以台印

禮堂遺集

卷一

八

支取官局現銀一面將局中出入台印票逐一分別辦理其出空賣空者概行塗銷其入現出現者核對底簿是銀是番便可水落石出一收一抵無從朦混然後照新定章程酌定錢數銀數毋許任意起伏如有兌換支錢者亦照銅一鐵二一律行用毋得參差一釐金宜收而後軍餉始有接濟也近來百物昂貴逾於十倍議收釐金民開益困今既明立章程先定錢法次平銀價以及物價銀價既落物價又平小民並受其福卽於此時遍諭各行擇其巨商大賈每千文抽取釐金二十文其用銀番交易者亦然存儲各行按月彙繳以值年者輪流司其事逕繳地方官當堂查收不假吏胥之手以杜訛索刁難之弊推廣行之上下游均用此法諒民閒無不樂從而於軍需亦大有裨矣

。請將江西釐金盈餘款項籌辦善後事宜畧

大人閣下竊

卑府

日前匆匆敬辭於造報釐金總冊雖

略陳管見尙未盡所欲言竊以此冊自咸豐五年開開

設鹽釐總局起截至咸豐十年改設牙釐總局以前止

又自同治三年六月由中堂將牙釐歸還江西辦理起

截至同治六年十二月底止除中開咸豐十年六月起

至同治三年六月止改由中堂經理應歸中堂造報外

計前後十年收數約在壹千餘萬所有解款用數均由

報銷局歸入軍需項下造報並未曾籌劃若干銀留辦

全省善後事宜至七年以後東南各省軍務漸次告竣

禮堂遺集

卷一

九

江西全省地方久已肅清所有善後事宜不能不次第

舉行而司道庫款究未充盈軍營欠項尙須彌補如地

丁漕折關稅等款皆奉文起運解部不能截留籌辦善

後大憲有廩念民瘼之至意其於庫藏未裕經費無儲

雖夙夜勤勤懇懇思欲設施而籌措維艱莫能挹注徒

託空言雖切無補

卑府

仰體憲意再四思維此次釐金

冊報達部係全局一大總結若不豫籌儲款辦理善後

則以後無從設措何能舉辦通盤籌畫惟銀價盈餘一

款可以劃提留存作爲辦理善後事宜不得不再覲續

言之竊念咸豐八年開蒙委管理鹽釐總局見各府州

縣所設釐卡收數多有以錢易銀解撥開報價值往往

多寡懸殊參差不等曾經各憲酌議章程以爲準則諭

令每錢壹千陸百文作銀壹兩俾稍歸劃一彼時市價

開有長落其盈餘散歸各卡不盡充公

卑府

曾以爲言

卑府

改委在善後總局辦事開鹽釐總局有諭令各

卡隨時按照市價開報凡有以錢易銀解撥皆令從實

開報其項下全數充公存儲迨後改設牙釐總局仿照

辦理

卑府

於咸豐十年十月間由善後局出署袁州府

事兼管釐務皆一一從實報解今統計釐金收數自同

治三年六月起截至同治六年底止銀價盈餘項下核

禮堂遺集

卷一

十

計存儲約有叁拾萬兩上下若以此款劃出籌辦善後

事宜盡可次第興舉但須措施得宜功歸實用方爲有

著亦須先務爲急次第舉行庶爲有序輒敢詳陳之伏

乞採納一江右南饒九南地濱長江大湖形勢卑窪各

縣民田多苦水患故沿江傍湖地方皆有圩堤以捍水

今則民貧官困莫能興修田湮於水無可耕種國課虛

懸民田荒曠紳民呈請借帑修堤者紛紛而大府苦於

無款籌墊若以拾萬金作爲借修圩堤之費委令幹員

逐一履勘擇要先修修一處必有一處之利民田可耕

國課有着則官無處分之憂民免追呼之擾更以此處

繳還作爲他處興修逐一修完之後其銀亦漸全數歸還仍可籌爲緝捕經費等別項善舉此誠國計民生百數十年之一大利也一江右全省被寇蹂躪十中八九所有常平社倉及義倉等穀皆化爲烏有今若以拾萬金採買穀石作爲省垣儲備積穀之費每年出陳易新經理得宜歲有增益生聚十年積穀加倍約可得叁拾萬石平糴有資無憂水旱此亦備豫不虞百數十年之一大利也一書院爲培育人材之地所有經費向有帑息及鹽規支用近則都成無着若以伍萬金發商招開典舖既有便於窮民俾通緩急又可月收息金作爲膏

之主也則視此數者尙可稍緩而衙署又其所後者矣一江西通志自乾隆謝志以後已近百年未經續修而各府州縣被寇亂以來志書板片又半多燬失舊籍存者寥寥卑府奉諭搜訪各郡縣志計陸續購得十分之九所缺者僅八九縣而已若以貳萬金作爲續修通志之費網羅載籍稽考故事補成缺典庶文獻不至無徵舉凡地方利弊興廢之由與夫形勢扼塞之要皆可按籍而稽開卷瞭然有所考核是亦牧民者爲政之一大益也以上善後事宜所最爲先務約有此五者皆大人所時時留意必欲舉行而後於心稍慰於願少償者然

此數舉者從違定於旬日之內全仗大人明決剛斷毅然力行庶能有濟倘不及今籌辦則坐失機會後雖欲爲之而苦於力所不逮悔將何及矣卑府愚戇之見忘其狂妄惟大人諒察之幸甚幸甚臨穎悚惶不勝屏營待命之至卑府陳喬樞謹陳

復擬條陳江右應辦善後事宜六則

一舊刻郡邑志乘宜飭州縣重修以次辦理也自經兵燹以來郡邑志乘多無版本閒有舊家尙藏數部往往新官到任借取查閱迨後久假不歸日以消磨遂至文獻無徵一遇地方有事茫然無從攷覈凡志書所載如山之脈絡川之源委關津阨塞陂塘水利田賦科則都圖戶口戎政鹽法學校軍屯皆國計民生之大者卽人物宦績選舉職官孝義節烈亦殊有關於世道人心者宜籌欸先將舊志重刊以俟後來續修此外如祀典之壇廟文武之衙署城鄉之序塾皆

禮堂遺集

卷一

三

當以次建立宜飭州縣官邀訂紳富商同勸辦不必急切興作苛人所難亦不可因循廢弛置身事外但使官紳皆肯實心任事自然日起有功矣

一新繪輿圖說冊宜飭州縣刊板以垂永久也從前通志所載僅列各府地圖方位未準道里畧而弗詳卽郡志所載各縣圖說亦復不見精審此次奉 總理各國事務衙門咨行各直省照奏定條款繕繪圖說江省分派委員親自履勘所有山川形勢關隘扼要及輶輻之廣袤方位之正隅里數之多寡徑途之大小鄉落之疏密以及鄰境接壤犬牙交錯之處靡不

禮堂遺集

卷一

四

條分縷析加以貼說頗爲詳備所繪府縣總散輿圖及各圖說冊除彙送詳請咨送 總理各國事務衙門外雖另備數分申送督撫藩衙門及善後局存案第恐日久不無散佚之慮宜由善後局頒定格式飭各府州縣照式將新繪總散輿圖分行刊刻所有說冊附列於後刊竣用潔白紙張刷印裝演呈送各衙門或慮府州縣刊刻不能一律精工卽由善後局派員一手經理工竣印送各衙門查閱並頒發各府州縣存案應需工費若干分派各府州縣於養廉內提扣歸欸其版存藩司衙門責成首領官看管妥爲弄

藏勿致滲漏潮溼以免朽蠹將來續修全省通志卽以圖說刊列首卷各府州縣有續修志書亦以各縣圖說列冠卷首似此則總散圖說各府州縣皆有副本不至日久散佚盡廢前功且可以垂久遠矣

一保甲宜飭州縣認真辦理也古者比閭族黨有相保相糾之法分別良莠在是稽緝奸匪亦在是誠古今之善法也然行之不得其宜則適足以擾民今當於各郡邑城鄉從前舉報團練案內所有得過獎敘之紳衿槓加選擇邀訂齊集公所商定章程分出地段使各就近於本鄉本都稽查保甲事宜彼處紳衿既

蒙優獎大小職官他日策名筮仕若係州縣印官皆有民社之責卽屬佐雜微員亦任奔轅之使此時在鄉正當與地方官相助爲理豈容任其推諉有憚煩勞如果認真稽查編成保甲行有成效異日請咨赴選或晉省驗看該地方官爲加切實考語申詳大憲發給咨文倘或奉行不力顛預從事地方官卽不必加考語送省驗看亦足以示勸懲似此辦理則地方官可以倚任紳衿勤助不須假手吏胥旣免科派用費之滋擾亦無苟且塞責之流弊

一學校宜飭州縣加意振頓也士爲四民之首民風之

禮堂遺集

卷一

五

不古由於士習之不端經正則庶民興轉移風化端在於茲今各郡邑皆有書院無如視爲具文不求實事開館之後一月僅一兩課半皆遣人代爲接卷文字每多抄襲鮮有認真應課者終歲師生恆罕謀面無論不加講習教學旣無相長之益甚且鮮有品評文藝絕少刪改之處經師人師兩不足稱內課外課全無分別安能培植人材今宜以正副教官爲監院訪擇素有文譽德望者舉爲山長並於從前團練軍功案內有獎敘教職者舉爲學長數人每一學長督課諸生十人設立日課程簿每日早午晚分註所習

經書子史以及百家詩文各呈學長學長按期彙呈山長視其勤惰加之考校則諸生不至曠業而山長亦有所責成如學長人數已敷卽將此外所舉教職分派各鄉於上中下三句示期就近在各都公所宣講

聖諭廣訓逐條逐句詳爲曉諭俾四民常聞正言正行勉以忠孝弟慈之事化其詭詐囂陵之習則民知向方各親其親各敬其長祥和之氣治於閭閻民自漸能遷善改過風俗蒸蒸日美矣如果督課有方宣講恭勤者地方官時加存記歲終開列清單申報上憲並於該紳請咨送省驗看時爲加考語

禮堂遺集

卷一

六

申請大憲委署教職優缺以示鼓勵如有懈惰奉行不力不加考語扣其委署以示薄懲亦旌別淑慝樹之風聲之一大端也

一教職宜詳加甄別也從前教職皆科甲出身及各貢生選補自開捐輸及軍功議敘而教職之途甚寬其中欲求文理稍優者已不可多得若求其品學兼優者尤難數觀諸生身列庠序或於學師終歲全不進謁未聞有所謂月課也今宜移咨學憲於按臨各郡之時考試教職宜嚴關防局門面試視文字之優劣列等第之高下察品行之端否定職任之去留並宜

責成各府於所屬教官每人各加切實考語彙詳大憲各於終歲嚴行甄別其有聞望不孚莫能表率士子者隨時申揭飭令解任回籍無俾戀棧如此則教職得其人矣至於訓迪士子宜定月課章程每月示期於明倫堂先宣講 聖諭次誦讀卧碑繼卽論說經史考校文藝弟子員中有不率教之人及把持鄉曲干預詞訟者嚴行戒飭再有不悛卽具文申詳降爲青衣示懲俟其改過自新方許請復衣頂時留心稽察果有品學兼優者秉公以實申聞則諸生亦有所觀感而興起矣

禮堂遺集

卷一

七

一營務宜嚴飭振頓也承平日久武備不修各營率多虛糧就中占名伍籍者半皆供將弁衙門雜役平時絕少訓練操演各項技藝兼恃營中護符包賭窩娼私宰等事干犯科條州縣官不得過問似此徒糜餉糈何裨軍政歷年所有防剿事宜皆係募勇打仗其大小汛地兵丁賊至則紛紛逃散賊退仍復照支月餉銀米比比皆然現已全省肅清若不將營制振頓革除舊習則兵仍同虛設終歸無用似宜嚴飭各營將弁選募精壯充伍常川練習一應技藝務令精到從前所有派充各項雜役職行禁革其水陸塘汛兵

丁各責成在於汛地勤謹巡查並遇上下護解護送差使不准偷懶曠悞如有失事嚴行究懲不貸間有不遵營規包賭窩娼以及私宰等事地方官訪查的實卽移文該管營官將兵丁先行斥革送交州縣究辦倘有袒庇兵丁不行革送者並將該營弁撤叅庶營弁不敢徇庇而兵丁有所畏懼矣

禮堂遺集

卷一

六

申請次第舉辦善後事宜稟

敬再稟者 卑府所開具略摺內籌劃儲留經費辦理善後事宜其欸係銀價之所盈餘前後開報與中堂冊造大概相符價值低昂視今茲市易不甚懸殊存儲漸積成茲鉅數今以之全數歸公籌辦善後數大端具見正大光明之舉可以共見共聞即可逕由牙釐總局會同善後總局詳明憲台衙門批示立案次第舉辦議苟一成不變利將百年允賴益費既豫籌自不致畏難而存觀望之心且用有專欸更不患乘便而啓挪移之漸芻蕘鄙言伏乞鑒納裁定謹稟

禮堂遺集

卷一

九

勸辦袁州府鄉團練勇論 咸豐辛酉二月

方今天下無眞兵惟團練之鄉兵乃眞兵也明呂司寇坤著鄉兵救命書語語眞切實爲今日之急務其言曰說練鄉兵人人畏難不思守土地方官有時離任只我居民鄉井墳墓房舍田土在此親戚聚處千年不離故里奈何不爲久遠之計也目下盜賊紛起土匪乘機搶奪欲求保護身家性命惟有團練一法從今大家立誓約於一二十里內鄉村可聯爲一團者結團保守選出丁壯日日整頓器械操演刀矛棍鈹鎗砲齊心救援縱有流賊竄擾不患不能剿滅何故聽信小人故意搖惑

禮堂遺集

卷一

二

亂行遷徙骨肉拆散親戚飄零家業被搶妻孥遭辱就中結團自守者反保全無恙豈非勇敢當先者可護身家性命而慌怯逃避者反辱身喪家之明驗哉又明金文毅公聲著友助事宜其曉貧愚者曰今有一種無身家之人謂賊決不及我我可苟免何苦出身不思賊之掠劫何曾揀擇貧富雖至貧者一絲一粟詎肯相饒乎今時流寇每到一處所收無業游民及土匪相歸附者勢必不能相信曾不轉盼盡死賊刃又或列前行以抵官兵慘毒不堪枉爲亂鬼曾有賊憐貧苦而錄其納欸之功乎其必不可苟免明矣但得冠賊失利身爲良民

雖日啜粥一盂儘可度日不然沸湯釜中豈有完魚耶
觀二公所言切中今日事勢此事民間可以自爲况有
地方官勤勤懇懇勸諭催督爾等團練鄉勇務宜大家
齊心協力認真舉行毋稍觀望違延切切特諭

禮堂遺集

卷一

主

鄉團章程

一籌經費

古者兵出於農賦出於田一甸之中農夫五百家車
乘牛馬卒伍戈楯備具十里之內有田一成爲農九
百家有衆一旅爲兵五百人故能固其疆圉保其家
國內患不生外侮不懼今鄉團之法卽仿此意而行
之實爲近今捍禦寇賊保衛身家之第一良法也然
而民間尙未見踴躍從事者則以經費無出故畏難
推諉耳今立章程用按畝分捐之法除畸零小戶田
不及畝者免捐外定爲每田一畝捐穀三升其中戶

禮堂遺集

卷一

主

之家有田十畝至二十畝者每畝酌加捐穀一升上
戶之家有田二十畝以上至三十畝者每畝酌加捐
穀三升以次遞增其每畝三升分別已田佃田二項
如係自田耕作卽一家出捐穀如係批與佃戶耕作
派佃戶捐三分之一似此所捐無幾卽貧戶亦不至
慳吝而所集漸多團費亦不慮短絀其所捐之穀如
願折錢交納者均聽其便各鄉紳董經理團務須力
求撙節經費用一餘二留儲公所以備籌防緩急之
用如四境靜謐積穀存儲遇有水旱青黃不接卽爲
平糶以濟貧民艱食其利甚溥與社倉義倉之法同